

永樂大典

卷一萬二千三百

九十九

永樂大典卷之一萬二千三百九十九 一送

宋 仁宗

李燾續通鑑長編慶曆二年春正月庚戌詔近分陝西緣邊為四路各置
經略安撫招討等使自今路分部署鈐轄以上許與都部署司同議軍事
路分都監以下並聽都部署等節制違者以軍法論詔河北京東西民
間以歲不稔伐樹撤屋鬻賣甚多宜令轉運司以省錢依價收市修蓋新
添軍營又詔京西轉運司速發省倉粟貸民戶二石此並據新用 辛亥詔
武成節度使同平章事駙馬都尉柴宗慶赴本鎮權御史中丞賈昌朝言
宗慶前在鄭州貪污不法若更令赴本鎮恐益以殘民乃詔宗慶仍留京
師東頭供奉官閤門祗候李志勳落職降監當初志勳為京城東巡檢
累獲賊因權為閤門祗候使捕浙東軍賊郭鄰而所過運道不行政責及
之詔麟府路兵馬罷廢不任征役者徙近裏州以省邊費 癸亥知慶
州范仲淹請給樞密院宣及宣徽院頭子空名者各百道緩急書填以勸
賞戰功及招降蕃部從之按仲淹奏議乞宣頭乃議攻守二策始貴錄不載

永樂大典卷萬二千三百九十九

一策獨載貼黃不知何也二策已附去年十一月仲淹又言朝廷每有機密
文字下都部署司緣本司官自敷多難以來議乞止下經略招討司貴不
漏洩從之去年十一月二十九日奏今報可 丁巳命翰林學士聶冠卿權
知貢舉初端明殿學士李淑侍經筵請以進士詩賦策論先後俾以故事
對淑退而上奏曰唐調露二年劉思立為考功員外郎以進士止試策減
裂不盡其學請貼經以觀其學試雜文以觀其才自此以高常至永隆
二年進士試策雜文通文律者始試策天寶十一年進士試一大經能通
者試文又通而後試策五條皆通為中第建中二年趙贊請以時務策五篇
論表贊各一篇以代詩賦大和三年試帖經略問大義取精通者次試論
義各一篇八年禮部試以帖經口義次試策五篇問經義者三問時務者
二厥後變易遂以詩賦第一場論第二場策第三場帖經第四場今陛下
欲求理道不以彫篆為貴待取士之實矣然考官以所試分考不能通加評
較而每場輒遺落士之中否特係於幸不幸爾願約舊制先策次論次賦次
帖經墨義而教有司并試四場通較上拙毋以一場得失為去留詔有司
議稍施行焉此錄按本志與罷殿試相聯言之不得其時今附命官知貢
舉後以慶曆元年六月出知許州矣自元昊反聚兵西鄙並遣入中書策

者寡。隸官急於兵食。且軍興用度調發不足。因聽入中芻粟。予券趨京師。權貨務受錢。若金銀入中。他貨予券。償以池鹽。由是羽毛筋力膠漆鐵炭瓦木之類。一切以鹽易之。猾商貪人。乘時射利。與官府吏表裏為姦。至入椽木二估錢千。給鹽一大席。大席為鹽二百二十斤。虛費池鹽不可勝計。鹽直益賤。販者不行。公私無利。朝廷知其弊。戊午用三司使姚仲孫請以度支判官刑部員外郎祗閣校理范宗傑為制置解鹽使。往經度之。詔復京師推法。宗傑請凡商人以虛估受券。及已受鹽未鬻者。皆計直輸虧官錢。內地州軍民間鹽。悉收市入官。為置場增價而出之。復禁永興華耀河中陝號解晉絳慶成十一州商賈官自輦運。以衙前主之。又禁商鹽私入。司置折博務於永興鳳翔聽人入錢。若買貨易鹽。趨蜀中以售。詔皆用其說。京兆府布衣雷簡夫隱居不仕。樞密使杜衍薦之。召見論邊事甚詳。上悅。命書檢真宗用種放故事。呂夷簡言士大夫有口才者未必能成事也。請姑試之。乃以為校書郎。秦州觀察判官簡夫孝先子也。貸三京鄭孟宿臺泗五州浚汴河丁夫糧人一斛。壬戌分遣內臣往河北路催募兵及萬人者賞之。詔陝西蕃族內附而無親屬者。並送京西州郡處以閒田。知慶州范仲淹前奏攻守二議。詔答以將帥累經挫衄。未甚勇

果。若幸於或勝。恐非良善。假令克獲。又煩守備。若且勤於訓練。嚴加捍禦。邊設探候。制其奔衝。見利乃進。觀釁而動。庶可以養銳持久。卿宜深體此意。與鄰路互相應援。協心畢力。有便宜密具以聞。仲淹復奏曰。國家太平日久。而一旦西賊背德。凌犯邊鄙。公卿大夫爭進計策。而未能副陛下憂邊之心。且議攻者。謂守則示弱。議守者。謂攻必速禍。是二議卒不能合也。臣前王延安初請復諸寨。為守禦之備。次則幸其休兵。輒遣一介示招納之意。朝廷以群言之異。未垂采納。今臣領慶州。日夜思之。乃知攻有利害。守有安危。何則。蓋攻其遠者。則害必至。攻其近者。則利必隨。守以土兵則安。守以東兵則危。臣謂攻遠而害者。如諸路深入。則將無宿謀。士無素勇。或風沙失道。或雨雪彌旬。進則因大河絕漠之限。退則有乘危扼險之憂。臣謂攻近而利者。在延安慶陽之間。有金湯白豹之隅。本皆漢寨。沒為賊境。隔延慶兵馬之援。為蕃漢交易之市。姦商往來。物貨叢聚。此誠要害之地。如別路入寇。數百里外。應接不及。則當遠為牽制。金湯白豹等寨。可乘虛取之。因險設陣。布車橫整。不與馳突。擇其要地。作為城壘。則我無不利之虞。至於合水華池鳳川平成柔遠德靖六寨。兵甲糧斛可就屯泊。固非守備之煩也。又環州定邊寨。鎮戎軍乾興寨。相望八十餘里。二寨之間。有

永樂大典

卷一二三九九

胡盧泉。今屬賊界。為義渠朝那二郡之交。其南有明珠滅滅之族。若連兵據胡盧泉為軍壁。北斷賊路。則二族自安。宜無異志。又朝那之西。秦亭之東。有水。洛城亦為之限。今策應之兵。由儀隴二州。十驛始至。如進修水洛。斷賊入秦亭之路。其利甚大。非徒通四路之勢。因以張三軍之威也。臣謂守以土兵則安者。以其習山川道路之利。懷父母妻子之戀。無久戍之苦。無數易之弊。謂守以東兵則危者。蓋費厚則困于財。戍久則聚其怨。財困則難用。民力日窮。士心日離。他變之生。出於不測。臣所謂攻宜取其近。而兵勢不危。守宜圖其久。而民力不匱。招納之策。可行於其間。今奉詔宜令嚴加捍禦。觀囊而動。與隣道協心。而共圖之。又觀故文。謂彼無騷動。則我不侵掠。臣恐賊寇一隅。遠在數百里外。應援不及。須為牽制之策。以沮賊氣。至時諸路重兵。豈能安坐。如無素定之畫。又無行營之備。恐當牽制之時。茫然無措。雖見利而莫敢進。雖觀囊而莫敢動。寇至愈感。遠志愈深。叛亡之人。日助賊算。不可不大為之謀也。願朝廷於守策之外。更備攻術。彼寇其西。我國其東。彼寇其東。我國其西。寧有備而不行。豈當行而無備也。所謂備者。必先得密旨。許抽將帥。便宜從事。并先降空名宣頭之類。恐可行之日。奏請不及。臣前曾遣人入界。通往來之間。或更有人至。不可不為

永樂大典卷萬三千五百九

三

如朝廷先降密旨。今往復議論。歲年之間。當有成事。若謂邊將之恥未雪。而不欲俯就。臣恐諸路更有不支。其恥益大。賊或潛結諸蕃。并勢合謀。則禦之必難。且自古兵馬精勁。西戎之所長也。金帛豐富。中國之所有也。禮義不可化。干戈不可取。則當任其所有。勝其所長。此霸王之術也。臣前知越州。每歲納稅絹十二萬。和買絹二十萬。二郡之人。餘三十萬。僕以嘆我。是實一郡之人。而息天下之弊也。詔陝西諸路。經略招討司。參議以聞。據范仲淹奏議。先議攻守二策。曰。梁通貴曰。起關。詔不仲淹。今與隣道互相應援。故仲淹議上此。實錄則其前議。但存後章。今前議已附去年十一月。奉。癸未。詔磨勘院。自今提點刑獄朝臣。代還。功過三等。以聞。上等。除省府判官。轉運使副。中等。除大藩一任。然後升陟之。下等。降知州。又詔御史臺舉屬官事。太常博士以上。兩任通判。三人中。御筆點一人。如聞難於得人。自今聽舉一任通判。及三丞。該磨勘者二人。選之。甲子。詔河北河東陝西轉運司。體量知縣。縣令。舉職官老疾不任事者。以名聞。詔自今南郊。臣僚在假不赴朝參者。無得奏乞骨肉恩澤。乙丑。詔以同州沙苑監牧地為管田。又詔府州。擇建安指揮之材勇者。為棟中。建安指揮。以隸禁軍。丙寅。詔奉使契丹。不得輒自賦詩。若彼國有請者。聽之。丁卯。

賈昌朝請罷舉人試院所寫策題從之。補環慶路內附偽國練使訖乞為懷化將軍給供奉官巡檢俸。辛未以大相國寺新修。太宗御書殿為寶奎殿。募太宗御書寺額于石。上飛白題之。命宰相呂夷簡撰記。章得象篆額。樞密使晏殊撰御飛白書記。秦州言築東西關城。成賜總役官吏金帛。有差初知州韓琦。以為州之東西居民及軍營僅萬餘家。皆附城而居。無所捍蔽。因請築外城。凡十里。計工三百萬。自十月起役。至是成之。癸酉徙秦鳳副部署殿前都虞候。感德軍留後李昭亮為永興軍部署。韓琦言昭亮本貴家子。平生未識行陣。故徙之。二月乙亥朔。審官院言河北河東陝西諸州請權令京朝官知錄事參軍從之。丙子廢渭州定川寨。丁丑召權御史中丞賈昌朝待講。過英閣。故事臺丞無在經筵者。上以昌朝長於講說。特召之。知秦州韓琦請降樞密院空名宣頭五十道。以賞屬羌之有功者。從之。契丹謀聚兵幽薊。遣使致書求關南地。知保州衣庫使王果先購得其書。葉以聞。且言契丹潛與吳賊相結。將必渝盟。請自廣信軍以西緣山。賊馬出入之路。預為控守。詔劉付河北安撫司密修邊備。杜惟序亦先購得契丹書。葉以聞。而實錄不言。疑惟序所奏。在王果之後。庚辰詔滄州鈐轄洛苑使普州刺史楊懷敏。只以巡隄為名。權住莫州。與知雄州六宅使惠州刺史杜惟序

永樂大典卷萬三千三百九十九

四

等。同管勾機宜司事。凡據州府。詔秦州。自今。角。屬。囉。友。外國。進。奉。人。並。約。定。人。數。令。赴。關。其。所。進。方。物。以。本。城。軍。士。傳。送。之。勿。令。自。雇。庸。人。常。有。詔。於。永。寧。寨。以。官。屋。五。十。間。給。傭。廩。收。貯。財。物。韓。琦。奏。曰。使。外。夷。居。邊。城。非。便。未。敢。奉。詔。詔。曰。傭。氏。已。有。謝。表。不。可。失。信。生。事。兼。不。與。屋。宇。亦。不。絕。秦。州。往。來。可。於。閑。慢。處。修。蓋。常。關。防。覺。察。之。琦。曰。秦。州。居。常。蓋。暫。往。來。今。既。許。置。屋。貯。財。必。留。人。主。守。豈。能。旦。夕。伺。察。使。朝。廷。舉。動。皆。知。况。契。丹。元。昊。亦。未。嘗。緣。邊。給。屋。昨。揚。勤。至。龜。茲。一。行。皆。鑠。之。於。館。我。使。至。傭。氏。在。驛。亦。禁。出。入。遠。蕃。於。中。國。尚。備。慮。如。此。防。微。杜。漸。不。可。忽。也。臣。以。為。勿。給。使。從。之。此。傳。料。均。家。傳。附。見。舊。制。諸。州。薦。貢。者。既。試。禮。部。則。引。試。崇。政。殿。而。知。制。誥。富。弼。言。曰。國。家。必。循。唐。設。進。士。科。自。咸。平。景。德。已。來。為。法。尤。密。踰。於。前。代。而。得。人。之。道。或。有。未。至。夫。省。試。有。三。長。殿。試。有。三。短。主。文。衡。者。四。五。人。皆。一。時。詞。學。之。選。又。選。命。館。閣。才。臣。數。人。以。助。考。校。復。有。監。守。巡。察。糊。名。謄。錄。上。下。相。鑿。不。容。毫。釐。之。舛。一。長。也。引。試。三。日。詩。賦。所。以。見。才。藝。策。論。所。以。觀。才。識。四。方。之。士。得。以。盡。其。所。為。二。長。也。貢。院。凡。兩。月。餘。研。究。差。次。可。以。窮。功。悉。力。三。長。也。殿。試。考。官。泛。取。而。不。擇。一。短。也。一。日。試。詩。賦。論。三。篇。不。能。盡。人。之。才。二。短。也。考。

校不過十日，不暇研究。差次三短也。若曰：禮部放榜，則權歸有司，臨軒唱
第，則恩出主上，則是忘取士之本，而務收恩之末也。且歷代取士，悉委有
司，獨後漢文吏課錢，奏副之端門，亦未聞天子親試也。至唐武后載初之年，
始有殿試，此何足法哉！必慮恩歸有司，則宜使禮部以高下以奏，而引諸
殿庭，唱名賜第，則與殿試無所異矣。辛巳，詔罷殿試，而翰林學士王堯臣
同修起居注梁適，皆以為祖宗故事，不可遽廢。越三日癸未，詔復殿試如
舊。詔陝西兵官不帶路分。及知州者，無得給親兵。知延州龐籍言：近
詔詳范仲淹所上攻守之策，及仲淹近遣本州推官張問至，具述延慶之
間合力出兵之議，臣竊惟虜衆之舉，費糧不過十日，而利於連戰，短於攻
城，彼攻我城，則常多死傷，我速與戰，則屢成剽劫。若諸城寨，有樓櫓矢石，
芻糧水泉之具，即委之使攻，既齋無久糧，野無所掠，就使十日不退，我以
重兵乘之，觀釁而動，誠得全禦戎之計。萬一它路力不能支，須至用仲淹
之策，然由德靖出師，路緣洛河，涉春泥，深步騎難進。若久留賊界，人心多
搖，川谷之險，皆可以邀擊。我軍意外之虞，恐不能盡如豫算。或寇深患大，
亦不免與仲淹合謀而入，擇地而攻也。仲淹所陳守用土兵則安，用東兵
則危。今土兵之數無多，而難於招募，東兵亦未可去也。且當撫馭訓練，興

永樂大典卷萬三千九

營田，減冗費，為持久寬民之計。賊來則力禦之，有隙則間謀之，以俟其弊，
且西羌之俗，歲時以耕稼為事，略與漢同。近年屢有聚集，人多失業，每入
寇邊郡，計其掠獲，未足償其所費，人尚不樂。君聖壁清野，使無所得，則勢
必益窮，心必益忿。歲月之間，變必生，心危勢動，然後招納之策始可行焉。
仲料朝廷固不吝財貨，以安方隅，但深思極慮，有大於此者矣。知秦州
韓琦言：范仲淹議進兵修水洛城，通秦渭，道路穿寨，生戶幾二百里，計其
土兵亦數百萬，止可通二州，援兵亦未能斷絕。西賊往來，近築秦州開城
方畢，尚有衝要城寨，當修治者甚多，未敢再勞人。詔從琦請勿修。此
條均家傳，附見龍指疏後。乙酉，詔陝西緣邊經略相討司，戰兵身無它傷，
而被截刺耳鼻，或遺失器甲，剥去衣服者，斬。中書樞密院奏言：謀報夏
虜破湯瞻，獲族帳，欲與喃廝囉相攻，請令韓琦遣人諭喃廝囉，多方捍禦，
之奏可。丙戌，太常博士天章閣侍講林瑀落職，通判饒州。先是瑀奉詔
撰周易天人會元紀，其說用天子即位年月日辰占所直卦，以推吉凶。且
言自古聖王即位，必直乾卦。若漢高祖及太祖皇帝，皆是也。書成上之。詔
學士阮看詳，皆言瑀所編纂，事涉圖緯，乞職祕閣。詔賜瑀銀絹各五十兩。
足，御史中丞賈昌朝嘗面折瑀所言不經，瑀與昌朝辨於上前，由是與昌

朝廷。及是瑞又言上即位其卦直需其象曰雲上於天需君子以飲食燕樂。臣願陛下頻出宴遊。極水陸玩好之美。則合卦體當天心矣。上駭其言。因問太祖即位直何卦。瑞對非乾卦。問真宗對亦然。上始厭瑞之迂誕。昌朝即劾奏瑞儒士不師聖人之言。專挾邪說罔上聽。不宜在經筵。上乃謂輔臣曰。人臣雖有才學。若過為巧偽。終涉形迹。遂罷瑞。而命著作佐郎崇文院檢討趙師民為崇政殿說書。師民臨淄人也。八歲喪父。哀慟如成人。尤歲能屬文。家貧借書讀。已輟還。人恠其速。叩問皆已成誦。舉進士時。曹瑋李迪在青州。聞師民名。遣人敦請乃見。就試禮部。四方士環觀通衢中。劉筠知舉。獨置坐席于都堂前。諸生皆聞筆從之。天聖末。考中等。或曰。師民乃青之大姓。麻氏甥。麻氏坐豪侈。喻制。賊殺親屬。誅。師民不可以先多士。遂降等。及第。孫與辟兗州說書。領諸城主簿。師民學問精博。與自以為不及。夏竦尤所奇重。稱為盛德君子。論其文行。乞回兩子恩授。以京秩除齊州推官。青州教授。更天平軍節度推官。年五十來京師。近臣張觀宋庠王堯臣龐籍韓琦明鑄列薦為國子監直講。兼潤冀二王宮教授。改著作佐郎。宗正寺主簿。加崇文院檢討。林瑀既逐。師民遂代其任。實錄載林瑀事不詳。取司馬光記聞。及刑厝魏泰東軒錄。并王安石王珪所作實

永樂齋卷萬字三頁九

昌朝墓誌神道碑。增修趙師民事記。聞又與正傳別。今從正傳。詔陝西轉運司。自今無得差知縣出外。仍遣大理寺丞安保衡等五人往本司以備差使。余靖陳革有此請。然靖此時未復館職。恐不緣靖也。戊子。詔嘗歷者府推判官。轉運使副。提點刑獄朝臣。及戶監卿以上物故者。十年內。與其親弟姪子孫一人家便官。升涇原路。靜邊等寨新置蕃落指揮隸禁軍。己丑。崇儀副使王整同提點河北刑獄。詔整嘗假六宅使。奉使北朝。今北使過境。恐計其官名不同。特與改此使額。知諫院張方平言。伏以崇儀六宅。頗為超越。北使之來。提點刑獄不預賓主之事。整雖在職。使人豈知即恐以假官為嫌。自應改授別路。每歲所遣使介例。皆假官以行。回而劾整之為。遂成真拜之例。今政之大弊。為多。偉人塞其蹊。隨猶不可。若又啓之。何以為政。加整誠有是請。原情深涉欺誣。必朝廷懲沮纖邪。修明法度。不惟宜傳恩旨。願當下從吏議。別行譴斥。以戒為臣。整尋徙它官。整徙它官。不月於實錄。但十二日除整。十八日又除王儀。必以方平之言故也。然儀文良整則武臣。又從非代整者。但八月乙亥。整又安撫京東。則亦徙它官矣。方平稱假洛苑使。按整六年實假六宅使。今從實錄。辛卯。知秦州韓琦請罷本州所招護塞軍。增置蕃落二指揮從之。壬辰。賜太子中舍陸

永樂大典

卷一二三九九

乘進士出身。仍改太子中允。乘即東也。先召試學士院。賜出身。輒拒不受。坐責。至是更赦。乃復予之。貸開封府諸縣貧民常平粟。人三斗。尸不得過二石。乙未。詔真定府定州。天雄軍。澶州。各備兵馬十萬人。芻糧二年。及器甲五萬副。又詔河北路提點刑獄。視所部州軍城隍應修者。悉修之。又詔河北諸州強壯。自三月後。並赴州閱習。委知州擇其強勁者。刺手背為義軍。不願者釋之。而存其籍。以備守葺城池。自是強壯寢廢矣。詔始下。人情訕訕。河北轉運使李昭述。乘疾置日行數舍。聞諭父老。乘始安。河北強壯。自三月後。赴州教閱。委知州擇其強壯。及提點刑獄。視城隍。並據朔府增修。實錄不詳也。不願者釋之。及強壯自此廢矣。據兩朝兵志。李昭述事。今附見。然先九朝通志。昭述。宗諤子也。河北安撫司。請令緣邊都巡檢司。潛益兵馬。及詔河北管軍巨僚。密作備禦。從之。此亦據朔府。丙申。賜麟府路。修築堡寨。役卒蠲錢。徙真定府定州路。都部署宣徽南院使。天平節度使。夏守贊。為高陽關都部署。守贊自言高陽關路。乃在真定府定州下。尋命守贊兼判瀛州。丁酉。并河北廳子馬。及無敵招收軍。並隸禁軍。仍詔輩致本路諸縣。糧草入州城。河北安撫司。請下緣河州。軍密造戰船。詔京東西路。造五百隻。赴河北。戊戌。召知陳州河陽三城

永樂大典卷萬千音九

節度使楊崇勳赴關。此據朔府。己亥。中書樞密院言。剡剡到外。處就糧馬步軍六十四。指揮一萬三千八百四十人。欲並遣赴澶州。駐泊。從之。辛丑。以新知澶州保靜軍留後王德用。為保靜軍節度使。契丹將渝盟。上起德用於曹州。復留後知青州。不數日。改澶州。入見上流涕。言臣前被大罪。陛下幸赦而不誅。今不足辱命。上慰勞曰。河北方警。藉卿威名鎮撫爾。又賜手詔以遣之。即拜節度使。衣庫使知保州王舉。領賀州刺史。兼高陽關鉅轄。詔殿前馬步軍司。給衣甲。教閱在京諸軍。仍差近上內臣二人。提舉之。三月甲辰朔。兵部自外郎集賢校理張品之。為直史館。河北路轉運使。從三司使姚仲孫所舉也。復太常博士余靖。為集賢校理。詔殿前副都指揮使高化。馬軍副都指揮使李用和。步軍副都指揮使曹瑋。舉諸軍指揮使以上。有膽勇方略。堪任將領者各二人。入內都知張永。和內侍都知王守忠。舉武臣各二人。諸路轉運使副使各一人。乙卯。詔河北。比歲積雨。壞道塗。其整官路兩旁。闊五尺。深七尺。民田各於封界。闊三尺。深五尺。以泄水潦。限半年畢工。中書樞密院奏。乞簡河東弓手。有武勇者。不刺面為義勇指揮。陝西弓手。刺面為保捷指揮。從之。實錄不云保捷。刺面。此從朔府。丙辰。復河陽三城。節度使楊崇勳。向平章事。判定州。兼真

定府定州路都部署。丁巳。命樞密使杜衍為河東宣撫使翰林學士承旨丁度副之。諸州軍刑獄罪疑可問者並從輕決。無令淹繫。本路諸軍各差餼錢。其屯兵多處。加燕犒之。王益柔傳云。杜衍宣撫河東。益柔為書。言河水兵餉無法。非易。即臣與轉運使。則違制不。案因修其可任者。與衍意合。此事當考。慶曆四年五月。益柔始除。某校。已未。詔軍頭司。揮沙門。島放。還罪人之仇健者。隸近京。歸遠壯勇。指揮。環慶路都部署。請於柔。達寨東節義烽馬鋪寨。擇地。益建城寨。以牽制賊勢。涇原路。又請於細腰城。屬羌地。內建寨。以接兩路出兵。並從之。四年十一月。乃城細腰。此時未也。但有請耳。庚申。魏國大長公主。乞加贈故太儀方氏。詔贈淑妃。辛酉。右諫議大夫參知政事。晁宗慤。罷為給事中。資政殿學士。以久被疾。故也。壬戌。茨村族三班殿侍折馬山。為三班奉職。馬山領眾攻西賊所置新寨。斬首級甚眾。特遷之。甲子。詔河北緣邊州軍置場買馬。從閤門祇候侍其濟之請也。乙丑。御崇政殿。賜進士楊真等二百三十七人。及第一百二十二二人出身。七十三人同出身。真察弟。初試國子監禮部皆第一。及是帝臨軒。答封見姓名。喜動于色。謂輔臣曰。楊真也。公卿相賀為得人。授將作監丞。通判潁州。未至官。持母喪病羸卒。無子。詔賜其家錢五萬。米麥各五十石。

宋樂奏卷萬二千三百九

斛。稍五十匹。賜物在四年二月。今并書。丙寅。賜諸科及第。并同出身者四百七人。又賜特奏名進士諸科三百六十四人。同出身及補諸州長史文學。中書言三司每歲買紅花紫草各十萬斤。民不能供。詔止買五萬斤。禁中及外人。應給紅紫羅帛者。給染價。丁卯。知青湖城种世衡。請募蕃兵五千。左手虎口刺忠勇二字。令隸折馬山。族從之。上封者。因請募屬戶。給以禁軍廩賜。使戍邊。悉罷正兵。下其章四路。安撫使議。環慶路范仲淹。上言。熟戶。懸土田。護老弱牛羊。遇賊力鬪。可以藩蔽。漢戶。而不可倚為正兵。大率蕃情。難詐。畏強凌弱。常有以制之。則服從可用。如去正兵。必至驕蹇。又今蕃部。都虞候。至副兵馬使。奉錢止七百三百。悉無衣廩。若長行。邊得禁軍奉給。則蕃官必生微望。况歲罕見敵。何用長與廩給。且錢入熟戶。部族資市牛馬青鹽。轉入河西。亦非策也。以臣所見。不若遇有警。旋以金帛募令禦賊。為便。議遂格。仲淹。錄兵志。已巳。契丹遣宣徽南院使。歸義節度使蕭英。翰林學士。右諫議大夫。知制誥。同修國史。劉六符。來致書曰。弟大契丹皇帝。謹致書。兄大宋皇帝。粵自世修。歡契時。遣使報封。圻殊兩國之名。方冊紀一家之美。蓋欽洽於綿永。固將有以披陳。切緣馬橋關南。是石晉所割。迨至柴氏。以代郭周。興一旦之狂謀。掠十縣之故壤。人神共

怒。願社不延。至於貴國祖先肇創基業。尋與敵境。繼為善鄰。暨乎太宗紹登寶位。於有征之地。才定并汾。以無名之師。直抵燕薊。羽召精銳。禦而獲退。遂致移鎮國強兵。南北王府。并內外諸軍。彌年有戍境之勞。繼日備渝盟之事。始終反覆。前後諸嘗。竊審專命將臣。往平河右。夫涼屢易。勝負未聞。兼李元昊於北朝。久已稱藩。累曾尚主。亮保君臣之道。實為甥舅之親。設罪合加誅。亦宜垂報。邇者郭頊特至杜防。又曰。雖具音題。而但虞詐謀。已於殘民之代。曾無忘器之嫌。營築長城。填塞隘路。開決塘水。添置邊軍。既潛於猜嫌。慮難敦於信睦。僕或思久好。共遣疑懷。苟若以晉陽舊附之區。關南元割之縣。俱歸富國。用康黎人。如此。則益深兄弟之懷。長守子孫之計。緬惟英晤。深達惻愍。適屆春陽。善綏冲裕。先是西兵久不決。六符以中國為怯。且厭兵。因教其主聚兵幽滏。聲言欲入寇。而六符及英先以書求。求關南十縣。正月己巳。邊吏言契丹使且至。朝廷為之肝食。歷選可使虜者。群臣皆憚行。宰相呂夷簡。察方正言。知制誥富弼。入對便殿。叩頭曰。主憂臣辱。臣不敢愛其死。上為動色。壬申。命弼為接伴。弼以二月丙子發京師。至雄州。久之。英等始入境。遣中使慰勞。英稱足疾不拜。弼謂曰。吾嘗使北。病卧車中。聞命輒拜。今中使至。而君不起。此何禮也。英斐然起。

遂使人掖而拜。弼登英等。自以虜先違盟約。及其從者。皆有懼心。可動。故每與之間。懷盡言。真以鈞得其情。英等以故。亦推誠無隱。乃密召其主所欲得者告弼。且曰。可從從之。不從更召一事。塞之。王者愛養生民。舊好不可失也。弼具以聞。及英等至。命御史中丞賈昌朝館伴。朝廷議所欲與不許割地。而許以信安信簡王允寧女。與其子梁王洪基結婚。或增歲賂。獨弼以結昏為不可。初虜主之弟宗元者。號大弟。扶太后勢用事。橫於虜中。嘗自通書幣。上欲因今使答之。命昌朝問六符。六符辭曰。此於太后則善。然於本朝不便也。昌朝曰。即如此。而欲以梁王求和親。皇帝豈安心乎。六符不能對。既而虜卒罷結婚之議。辛未。授弼禮部員外郎。樞密直學士。將使弼報聘故也。弼曰。國家有急。惟命是從。不敢憚勞。臣之職也。奈何。遂以官辭賂之。固辭不受。此據胡眉賈錄無之。五月己巳。壬申。英據紀聞。二月丙子。據胡眉賈錄。因文寶錄並無之。庚午。命知青州陳執中。兼京東路安撫使。執中兼安撫使。乃庚午日。在辛未前。據與虜事相聞。故列出之。是春范仲淹延達至環州。州屬先陰達虜為邊患。仲淹謂种世衡素得屬羌心。而青澗城已堅固。乃奏世衡知環州。以鎮撫之。屬籍請留世衡。詔仲淹更擇人。仲淹言非世衡則屬羌不可懷。詔從仲淹所請。有牛家奴訛者。

永樂大典

卷一二三九九

屈強未嘗出。聞世衡至，遽郊迎。世衡與約詰朝行，其族是夕大雪深三尺，左右白地險不可往。世衡曰：「吾方結諸羌以信，不可失期。」遂緣險而進。奴訛方則帳，謂世衡必不能至。世衡楚而起，奴訛大驚，率其族羅拜聽命。又有兀二族，授虜偽補世衡招之不至，命蕃官慕恩出兵討之。其後百餘帳皆自歸，莫敢貳。因令諸族置烽火，有急則舉燧，介馬以待。又課吏民射，有過失射中則釋其罪，有辭某事請某事，輒因中否而與奪之。由是人人自勵，雖屠販倡優皆精於射。虜不敢復近環州。初，世衡在青澗，為屬吏所訟以不法事，按驗皆有狀。龐籍言：「世衡披荆棘，立青澗城，若一拘以法，則邊將無所措手足。」詔勿問。及徙環州，諸籍拜且泣曰：「世衡心腸鐵石也，今日為公下淚矣。」世衡自青澗徙環州，實錄不記。按仲淹作世衡墓誌，稱慶曆二年春，今附此。既稱牛北大雪，則必不在夏月矣。然四月辛巳補正，高官猶以青澗城奏，或發奏時世衡未離青澗。及四月乃徙世衡青澗，所奏補高官而世衡實已赴環州也。夏四月乙亥，以度支副使楊日華為鹽鐵副使，施昌言為度支副使。初，權三司使姚仲孫言：「度支比鹽鐵為繁，而日華以疾，兼在告，且薦昌言故改之。」資政殿學士給事中晁宗慤奏贈工部尚書，謚文莊。丁丑，詔兩制大兩省并諫官閤門使以上舉內殿。

宋樂大典卷萬三千三百九十九

十

崇班以下堪將帥者各二人以聞。戊寅，命權御史中丞賈昌朝、右正言田况知諫院。張方平入內都知，張永和與權三司使姚仲孫同議裁減浮費。先是方平奏疏言：「伏見西事已來，應副遺備，天下被其勞，凡百賦率至增數倍。當時朝旨蓋為用兵之際，權宜應急，豈可承以為常。今邊防雖已漸寧，而緣邊戍守未能撤備，四方添置兵數亦甚多，向之所增賦餉卒難復舊，何以尉天下百姓之望。朝廷所以綏懷二虜者，正謂寬財用，紓民力，以厚為之備。今乘邊事之間，豈可優游虛度歲月，不切講求經久之計。若遷恬然，憚於有為，臣恐民力日困，財用日匱，難以善於後矣。今內自三司外至發運轉運使，凡掌財利之官，簿書期會猶不暇給，豈暇為國家生民遠慮哉。臣欲乞於兩省已上官選差才敏之士三兩員，就三司與使副據國用歲計之數，量入以為出，平貨物之輕重，通天下之有無，較其利害之原，以革因循之弊，旋具事節，先到中書樞密院開陳商量，必久遠可行者，奏上取裁。若細碎之事，無大損益，徒成煩擾，不須施行。所冀助財用，紓民力，當今之切務也。於是又言：「天下切務，無先貨食。貨食之原在三司，而計臣事務煩綜，簿書期會之不暇，豈暇及國家根本之慮哉。臣去年曾上言乞於兩省已上官選差三兩員，就三司與使副據歲計之所入，約中外之

永樂大典

卷一二三九九

所費移用之法。則權其輕重。率歛之物。則通其有無。參究利害之原。剗革因循之弊。所冀寬財用。舒民力。勅三司均節。不乘違事之間。急講久遠之策。臣恐民力日病。國用日匱。若朝廷重於生事。欲乞且令三司。將天聖中一年天下賦入之數。及中外支費之籍。與昨一年比並條上。則國家之大計可較而知矣。如是則可以經久則善。如其不可。則宜恬然不深慮也。前所上劄子。伏乞更賜詳擇。實錄云。初。昌朝與樞三司使姚仲孫。並言自陝西用兵。邊費不足。請校景德以來。用度之數。約以祖宗舊制。其不急者一切裁減之。政有是。今。昌朝建議。在實元二年五月時。命張若谷任中。師韓琦定奪。與此不同。實錄并為一事誤也。本志云。西兵久不解。財用益屈。天子復詔內侍。以先帝時及天聖初籍。較近歲禁中用度。增損外。則命。中丞賈昌朝。諫官田况。張方平。入內都知張永和。同三司議省冗費。按取天聖用度。校近歲增損。實方平建議。若景德則昌朝前所建議也。朝記亦云。三司使姚仲孫。言陝西也。軍甚衆。乞依景德年用度。規制外。餘悉罷。與實錄大同。與食貨志小異。今悉不取。取方平二議。附書之。所以今昌朝等必因方平奏也。要見後來裁減數目。熙寧初。司馬光辭免裁減。因用劄子云。欲知慶曆二年裁減制度。此先今支費不同數目。只下三司供析開奏。立

永樂大典卷萬三千三百九十九

十一

可盡見。當考求之。宋史全文。呂中曰。我仁祖天性恭儉。必不妄興一役。妄費一物。又何待諸臣進節用之說。蓋我朝之財。始盡於天禧祥符。再盡於實元慶曆。自禱祠之事興。宮室之侈起。內之帶藏籍已空竭。則若浮費之累。不得不申明於天聖之平也。自元昊叛於西。契丹擾於北。外之財用。不免告匱。則節冗費之說。不得不條畫於慶曆之日也。已卯。京東安撫使陳執中。請河北緣邊安撫司。凡得契丹事宜。並移報本司。從之。庚辰。以右正言知制誥富弼。為回謝契丹國信使。西上。問門使符惟忠副之。復書曰。昔我烈考。章聖皇帝。保有基圖。惠養黎庶。與大契丹。昭聖皇帝。弭兵講好。通聘著盟。肆命蕃承。共遵謨訓。遠民安堵。垂四十年。茲者。專致使臣。特詣城門。且以瓦橋內地。晉陽故封。援石氏之制。城。述周朝之復境。繫于異代。安及本朝。粵自景德之初。始敦鄰寶之信。凡諸細故。咸不實懷。况太宗皇帝。親駕并郊。匪圖燕壤。當時貴國。亟發援兵。既交石嶺之鋒。遂舉薊門之役。義非反覆。理有因緣。元昊賜姓。稱藩。粟朝受祿。急謀狂僭。倣優遣膳。辨議討除。已嘗聞達。杜防郭積。傳導備詳。反此西征。豈云無報。聘輶旁午。屢聞嫉惡之談。慶問交駢。未諭聯親之故。忽窺異論。良用惘然。謂將幹於在原。反致譏於忌器。復云營築隄埝。開決陂塘。昨緣霖潦之餘。大為衍溢。

之患既非疏導當稍繕防豈益猜嫌以虧信睦至於備塞隘路閱集兵夫
 蓋邊臣謹職之常乃鄉兵充籍之舊在於貴境寧微戍兵一皆示於坦夷
 兩何形於疑阻顧惟歡契方保悠長遽興請地之言殊匪載書之約信辭
 至悉靈鑿孔昭兩地不得相侵緣邊各守疆界誓書之外一無所吝期在
 久要弗違先志諒惟聰達應切感思甫屬清和妙臻戡敵自餘今富弼口
 陳書詞翰林學士王拱辰所撰也初虜書言太宗舉無名之師直抵幽薊
 一時莫知所答拱辰獨請間曰河東之役本誅僭偽契丹遣使行在致誠
 款已而寇石嶺關潛假兵以援賊太宗怒其反覆既平繼元遂下令北徙
 安得謂之無名上喜曰事本末乃如此因諭執政曰非拱辰詳誠故事殆
 難答也劉六符嘗謂賈昌朝曰南朝漕漕何為者哉一葦可抗我葦可平
 不然決其堤十萬土囊遂可喻矣時議者亦請涸其池以養兵上問拱辰
 對曰兵事尚說彼誠有謀不應以語敵此六符夸言爾設險守國先王不
 廢具祖宗所以限胡騎也上深然之 中書門下奏近放特奏名進士諸
 科與官人內有習武藝知方略者請選試補班行者凡三十七人 知渭州王汾請刺本路
 都知王守忠試驗以聞補班行者凡三十七人 翰林學士王拱辰侍御史仲簡言近者
 弓箭手三萬人充軍從之 刑月 翰林學士王拱辰侍御史仲簡言近者

水樂大典卷萬字頁九

十一

上殿臣僚以班次稍卑或致壅隔欲望後殿視事退還食畢復御便殿持
 賜延見詔可仍候班宿少即依舊簡江都人也此據刑月 辛巳武安節
 度使高化知相州本傳云化雖起行伍然頗知民事相州有大獄已具
 當論死化疑之遂移計果得不死者三人按是月丙申日化請選通判助
 化恐化不能獨為此今削去 補延州僧光信為三班借職知青澗城种
 世衡言光信與西賊戰屢獲首級又言光信本姓王請賜名嵩仍乞擢授
 一官故以命之時世衡既遣嵩入虜境問野利旺榮兄弟矣嵩趨勇善騎
 射習知虜山川道路始為僧世衡知其可用召置門下恣其所欲供億無
 算嵩酌酒靡所不為世衡遇之愈厚嵩亦深德世衡世衡出兵常使嵩鄉
 導數邊族帳及將遣入虜境召與飲謂曰虜若得汝考掠求實汝不勝痛
 當以實告耶嵩曰誓死不言世衡曰先試之嵩果不屈世衡曰汝真可也
 遂遣之 王嵩事參取种世衡傳司馬七記聞沈括筆談則修餘其歲末
 壬午右正言知制誥劉沆出知潭州始沆使契丹館伴杜防強沆以酒沆
 需醉拂袖起因罵曰蕃狗我不能飲何強我於是契丹使來以高言故出
 之尋又降知和州因詔奉使契丹及接伴送伴臣僚每燕會毋得過飲其
 語言應接務存大體 且係務存大體在甲申日沆再降和州在庚子日

錄環州安寨寨主東頭供奉官寇寧子平為右侍禁以寧與西賊戰死也。甲申契丹國母遣保寧節度使耶律堪左監門衛上將軍蕭寧契丹遣厥州防禦使馬世長東上閭門使崔禹來賀乾元節。乙酉詔致仕官之子孫授試銜齋郎年及格者與免選除近便官。戊子詔近今三司減省諸費其文武官及諸班諸軍料錢月糧衣賜給賞特支並聽如故。又詔河北教閱義勇指揮令耆休于家其惰游不業農者聽其家長告官重行科責。是日降詔獎諭知延州龐籍等以籍興修橋子谷寨成也始元昊陷金明永平寨門安遠拷撻寨破五龍川邊民焚略殺盡籍既至稍葺治之戍兵十餘萬未有壁壘散處城中長籍嚴無敢犯法金明西北有渾州川其土平沃川尾曰橋子谷虜出入之隘道籍使部將狄青將萬餘人築招安寨於谷旁却賊數萬募民耕植得粟以濟軍周美襲取承平寨王信築龍安寨悉復虜所據故地築清水安定黑水佛堂北橫山乾谷土明柳谷雕窠虞兒原安寨十一堡龐籍傳但云十一城初不到城名今據周美傳增入及開版名平戎道通永和烏仁關又更四陣法頗損益兵器云司馬光朔曆云上以知延州龐籍等興修橋子谷寨成及破湯西賊棚寨命降詔獎諭擊戊子日今從之并取本傳所載籍事附見自周美襲取承平

永樂大典卷萬三千百九

案以下當自有日月史詳考之。亂安寨四年六月一日乃賜名安元堡本名馬蹄川五年十月乃賜名。元昊之據承平寨諸將會兵議攻討洛苑副使种世衡請齋三日糧直搗賊穴文思便周美曰彼知吾來必設虞待我不如間道掩其不意世衡不聽美獨以兵西出芙蓉谷大破賊而世衡等果無功未幾賊復略土墮寨美逆擊於野家店追北至托拔谷敗其衆以功遷右驍驎使軍還也永平寨又築柵於慈梅官道谷以扼賊路令士卒益種營田歲收穀六千斛復帥衆由廳子部西濟大里河屠扎萬多移二伯帳焚其積聚以歸龐籍與范仲淹交薦之除鄜延都監遷賀州刺史。除鄜延都監賀州刺史當自有月日安定之後謀報賊數萬將大至籍遣管勾機宜楚建中分諸將兵趣城黑水以待諸將憚賊且至不肯與兵美曰軍當以寡擊衆何怯也即以兵二千與建中而賊亦自引去每遣書至諸將各擇便利獨美未嘗辭難然所向輒克諸將以此伏之建中河南人也。庚寅中書樞密院奏府州修復寧遠寨城欲令河東轉運司及并州高繼宣相度分屯軍馬於次州駐劄從之此據朔曆。甲午徙知澶州王德用為真定府定州路都部署仍降詔諭以選任之意初劉六符見德用於澶州喜曰聞公名久乃幸見於此今歲大熟非公仁政所及邪德用謝曰

永樂大典

明天子在上。固嘗多豐年。因言己衰老。中國多賢士大夫。指坐客歷陳其家世。六符疎聽。判環慶路保毅強壯人為軍。丙申。右正言田況言。朝廷擇任將帥。以備北戎。乃用楊崇勳。夏守贊。高化等。中外物情。深未允協。恐誤機事。詔各選通判幕職官。往佐助之。知諫院張方平言。昨戎使蕭英等回朝。廷處置北鄙。雖增兵飾壘。事為之備。然所遣將率。未盡推擇。臣聞之。軍志善待敵者。無恃其不來。當為不可勝。恃我有以待之。故城雖堅。兵雖衆。財用誠給。苟將率非其人。無足恃已。故將者。人之司命。國家安危之主。惟陛下念茲戒茲。即戎騎敢越。封略使楊崇勳在鎮定。夏守贊在瀛州。劉湜在滄州。張者在河陽。陛下得高枕乎。雖愚夫童子。亦知其必敗事也。蓋朝廷非不知崇勳等之不足使。迫於用人之常體。憊然而遣之。爾必欲上寬倚注之憂。下為衆論所信。自非有已試之効者。不足賴也。勢不得已。莫若且取陝西偏裨之知名者。如狄青。范全輩。每路輒徒一兩人。况自丙申。用兵已來。三年于茲。立功將士如青等。未嘗得一到京。冀仰望天顏。若以此為名。召之赴闕。量其材器。稍選用之。追崇勳等。使奉朝請議者。或謂西北事均。若青等被奪。必恐西帥有辭。且陝西四路。各據千里之地。連城數七。官吏將佐以千計。勝兵衆矣。豈不能選練偏裨。以自為用。一旦天

宋史卷之九十九

十四

子登一小校于朝。而辭焉。愛君體國者。義不如是。及茲盛夏。邊未有虞。可速致之。此當弼使歸。幸而盟好未渝。即各還之本路。若犬羊南向。且使分擇。北方事機所懸。乞賜裁察。方平疏不得其時。因曰。先論楊崇勳等。附見崇勳等五月。未嘗移改。狄青。范全。後皆召見。或用方平議也。狄青傳云。仁宗以青數有戰功。欲召見問方略。會賊寇渭州。急命圖形以進。在四年八月。除擇日天武廟主惠園之後。按賊寇渭州。乃是年秋。春。青傳誤也。又范恪傳云。上特召見恪。恪言。近判知天都左右廂點兵。然未知冠出何路。仁宗謂曰。適有邊奏。已犯高平。軍劉瑄堡。可乘驛並往。遂遣禮官使榮州。刺文。理慶鈴轄。今赴范仲淹麾下。乃是年十月事。丁酉。詔如聞京東西盜賊充斥。其令轉運司委通判。或幕職官。與逐縣令佐。擇鄉民之武勇者。增置弓手兩倍。仍令流內銓選。歷任無贓罪。年未六十者。為縣尉。督捕之。去年二月。辛丑。六月。壬寅。八月。辛巳。可考。錄邕州永寧寨監押右侍禁秦珙。子衮。為右班殿直。以珙與蠻人鬪死也。戊戌。以講周易。徵召講讀官。及兩制宗室正刺史以上。燕于崇政殿。徙湮原鈴轄。知鎮戎軍。崇儀使朱觀。為高陽關鈴轄。尋改鄜延路。又改并代路鈴轄。專管勾麟府路軍馬事。五月。甲辰。改麟府路。庚戌。改并代都鈴轄。今書或並削去。己亥。以推

永樂大典

卷一二三九九

密直學士禮部郎中知秦州韓琦為秦州觀察使樞密直學士吏部郎中知渭州王汾為涇州觀察使龍圖閣直學士吏部郎中知延州龐籍為鄜州觀察使龍圖閣直學士右司郎中知慶州范仲淹為汾州觀察使辛丑權御史中丞賈昌朝言三司判官開封府推判官轉運使副提點刑獄朝臣年踰七十衰老不職者請皆罷之奏可賜河東修寧遠寨等官器弊有差五月癸卯朔封皇第三女為安壽公主生三歲矣其母修媛張氏也贈修媛父故石州軍事推官堯封為祕書監詔乃者以河北河東弓手為軍蓋欲知山川道路服習耕戰而諸道游冗之人皆願願代之籍其非正身者一切罷去甲辰以天武捧日四廂都指揮使知并州恩州團練使高繼宣為眉州防禦使先是虜寇麟府繼宣率兵營陵牙抵天門關是夕大雨及河師平濟黑凌暴合弁不得進乃具牲酒為文以禱俄而凌解師遂濟進屯府谷問道勇士夜亂賊營又募縣配廂軍三千餘人號清遠軍命偏將王凱主之軍次三松嶺虜數萬眾圍之清遠軍奮起斬首千餘級其相駘藉死者不可勝計築寧遠寨相視地脉鑿石出泉已而城清塞等五寨繼宣皆與有勞焉此事不待其時據繼宣傳再述有防相持日州言之當考西上閤門使忠州刺史并代鈐轄專管勾麟府軍馬張

永樂大典卷萬三千三百九十九

五

元領果州團練使為高陽關鈐轄初麟州猶未通饋路閉隔致元自護南郊賞物送麟州賊既不得鈔遂以兵數萬趨拓子寨遣我歸元所將才三千人元激怒之曰若等已陷死地前關則生不然為賊所屠無餘也士皆感厲會天大風順風擊之斬首六萬餘級相蹂躪崖谷死者不可勝計奪馬千餘疋乃修建寧寨賊數出爭逐戰于兔毛川元以大陣抗賊而使驍將張岳以短兵強弩數十伏山後元以萬勝軍皆京師新募市井無賴子弟疲瘁不能戰遇賊必走賊曰東軍素易之而虎翼平勇悍陰易其旗以候賊賊果趨東軍而值虎翼卒持戟良久發伏賊大潰斬首二千級不踰月築清寨百勝中候建寧鎮川五壁麟州路始通元復奏今所通持往來之徑爾旁皆虛空無所阻若增築並遠諸柵以相維持則可以廣田牧河外勢益強議未下而朝廷慮契丹將渝盟乃徙元高陽致元獲送郊賞據附傳乃今年事錄去年十一月祀南郊不知何故今年方送賞物當考日元遣高陽送書之殿中丞平棘郭諮言恐契丹背盟犯界請決御浚胡盧新唐五河使之北出則深冀瀛莫諸州皆在水東足以限隔虜騎宰相呂夷簡為諮言可用乙巳換崇儀副使提舉黃河等處隄岸尋復詔內藏庫使帶御器械鄧保信浚苑使普州刺史楊懷敏同規度利害以聞諮

等議決黎陽大河下與胡盧薄池後唐河相合以注澹泊混界河使界東
 北抵于海上溢鵝鵝坎下洙北當城南視塘泊界截虜疆東至海口西接
 保塞惟保塞正西四十里水不可到請立堡寨以兵戍之詔備用興役會
 契丹約和而止諸等議據詰傳然字或差誤當求到本是正之溢鵝鵝坎
 下洙北此七字必有差誤者 丁未河東都轉運使戶部郎中天章閣待
 制明錫遠左司郎中以修建寧中候百勝鎮川清塞等堡寨成賞其勞也
 戊申安壽公主薨追封唐國公主以母寵帝愛甚成服苑中群臣奉慰
 殿門外 庚戌河北都轉運使李昭述請修澶州北城從之先是河決久
 未塞昭述但以治隄為名調農兵八萬逾旬而就劉六符過之真以為治
 隄也及還而城具甚駭愕昭述事附見據李肅之傳修城乃肅之建議也
 肅之時通判澶州 辛亥御崇政殿錄繫囚 洛苑使普州刺史楊懷敏
 為入內押班 先是張方平言伏以天下承平為歲深遠而國用不贍民
 力益困今聚師境上調費浸廣倚於經入則財不給加以橫賦則人不堪
 救茲交急特在陛下身先率下惟事事得其樽節而已臣竊惟陛下躬勤
 節用克自抑畏凡諸服御珠為菲薄而藉中外之論皆言用度之過臣竊
 疑之蓋宮闈嬖昵左右近習假威恣橫敢為欺誣仰恃仁慈緣為姦弊且

宋樂與卷萬三千九

六

禁中呼索稱聖旨有司應奉皆為上供故外人不知其詳而譏議累乎
 威德國家帑藏之困乃詳下侵牟之蠹也伏願陛下上念宗社之計下以生
 民為心彼婦人官者何煩過於姑息超然遠慮斷自天心試取先帝之世
 及陛下臨御以來天聖之初官司帳籍如內東門之類比較近年支費金
 帛則知增損豐儉之數以一言裁減之恩為萬方廣富之本此民所賴為
 幸實深先朝已前事恐難繼若天聖初體例豈遠哉因降詔書詔天下
 以陛下憂遠之心愛民之故則將卒聞之孰不奮勵以投命士民聞之孰
 不鼓舞以稱仁至于外諸司庫務凡百橫費乞特置司局選用公平道敏
 諳曉時務之士兩三負條理之而以大臣一人監領其事其不便者惟是
 左右主當之人爾誠陛下斷之不疑無容沮撓則上可以資德美下可以
 施恩惠內可以集國計外可以成武功効速而利多事近而德遠此當世
 之切務也方平既受詔與賈昌朝等減省浮費又言竊聞淵旨先自宮禁
 裁損一切用度至于聖躬奉給絡錢亦令罷供此蓋陛下身先勤儉為生
 靈計天戒省所為者自下而議上則於體不順由上以率下則於名為正
 臣願以禁中所行之事擇其大者三數節宣示外廷因發明詔使天下共
 知聖意憂遠愛人之深則中外臣庶得不體國家之急上成德美者乎特

在陛下斷之清衷不屑細言則成功可冀也。其有徇己之私與則毒奪則怒。此女子與小人之情。怨謗所由生也。臣輩敢不竭精盡慮。上副天心。壬子內出詔書。減皇后及宗室婦郊祀所賜之半。著為式。又詔皇后嬪御進奉乾元節回賜權罷。邊事寧日。聽旨。於是皇后嬪御各上俸錢五月。以助軍費。宗室刺史以上亦納公使錢之半。荆王元儼盡納公使錢。詔以半給之。減罷回賜。甲寅日。今從本志。并書給元儼公使之半。乃甲子日。今亦并書。司馬九日記載元儼。總設人事。州明年五月甲午。癸丑。命知貝州供備庫使。恩州團練使張茂實。為回謝契丹國副使。代符惟忠也。惟忠行至武強病卒。富弼請以茂實代之。詔從其請。初轉運使張昱之奏罷。冀月曉捷軍士上開銀錢。事下茂實議。茂實言此界河策先鋒兵有戰必先。故平時賜予異諸軍不可罷。昱之猶執不已。其後遂奏罷保州雲翼。別給錢糧。軍怨果叛。此據茂實傳。保州雲翼軍叛。事在四年八月。昱之以此年三月為河北漕。三年五月入為鹽鐵副使。十月又為都漕。甲寅。詔三館臣條上封事。及聽請對。余皆論文。方博知秦州。成。以乙未五月七日。秋。封章言事。臣學識愚昧。不能廣引深遠。以明治亂之原。謹承當今急務。為

永樂大典卷之三十九

七

三弊五事。以應詔書所求。伏惟陛下裁擇。臣聞自古王者之治天下。雖有憂勤之心。而不知致理之要。則心愈勞而事愈垂。雖有納諫之明。而無力行之果斷。則言愈多而聽愈惑。故為人君者。以細務責人。專大事而獨斷。此致理之要也。納一言而可用。雖眾議不得以沮之。此力行之果斷也。知此二者。天下無難致理矣。臣伏見國家大兵一動。中外騷然。陛下思社稷之安危。念兵民之困弊。四五年來。憂勤可謂至矣。然兵日益老。賊日益強。併九州之力。平一西戎。小者尚無一人敢前。今又北戎大者。違盟妄作。其將何以禦之。從來所患者夷狄。今夷狄叛矣。所患者盜賊。今盜賊起矣。所憂者水旱。今水旱作矣。所仰者民力。今民力困矣。所急者財用。今財用乏矣。陛下之心日憂於一日。天下之勢歲危於一歲。臣所謂用心雖勞。而不知求致理之要者也。近年朝廷雖廣言路。獻計之士不下數千。然而事緒轉多。枝梧不暇。從前所采。眾議紛紛。至於臨事。誰策可用。此臣所謂聽言雖多。不如力行之果斷者也。臣伏思聖心所甚憂。即當今所最闕者。不過曰無兵也。無將也。無財用也。無禦戎之策也。無可任之臣也。此五者陛下憂其未有。而臣謂今皆有之。然陛下未得而用之者。陛下未思其術也。國家創業之初。四方割據。中國地狹。兵民不多。然尚能南取荆楚。北收偽唐。西

平已蜀東下井潞北窺幽薊當時所用兵財將吏其數幾何惟善用之故不覺其尤豈如今日承平百年祖宗之業盡有天下之富強人衆物盛十倍國初故臣敢曰有兵有將有財用有禦戎之策有可任之臣然陛下皆不得而用者何哉由朝廷有三大弊故也何謂三大弊一曰不謹號令二曰不明賞罰三曰不責功實此弊因循於上則萬事弛慢廢壞於下臣聞號令者天子之威也賞罰者天子之權也若號令煩而不信賞罰行而不當則天下不服故又須責臣下以功實然後號令不虛出而賞罰不濫行是謹號令明賞罰責功實此三者帝王之奇術也自古人君英雄如漢武帝聰明如唐太宗皆能知此三術而自執威權之柄故所求無不得所欲皆如意漢武帝好用兵則誅滅四夷立功萬里以快其心欲求將則有衛霍之材供其指使欲得賢士則有公孫董汲之徒以稱其意唐太宗好用兵則誅突厥破遼東威加四海以逞其志欲求將則有李勣之儔入其駕駭欲得賢士則有王魏房杜之輩奉其左右此二者凡有所為後世莫及可謂所求無不得所欲皆如意無他術也唯能自執威權之柄爾伏惟陛下以聖明之資超越二帝又盡有唐漢之天下然而欲禦邊則常患無兵欲破賊則常患無將欲贖軍富國則常患無財欲威服四夷則常患無策

余樂大典卷萬字音卷九

文

欲任使賢材則常患無人是所求皆不得其所欲皆不如意其故無它由不用威權之術也自古帝王或為強臣所制或為小人所惑權不得出於己方今外無強臣之患又無小人獨任之惑內外臣庶尊陛下如天愛陛下如父傾耳延首願聽陛下之所為何憚而久不為哉若一旦赫然執威權以臨之可使萬事皆辦何患五者之無奈何為三弊之因循而一事之不集臣請言三弊夫言多變則不信令頻改則難從今出令之初不加詳審行之未久尋又更張以不信之言行難從之令故每有處置之事州縣知朝廷未是一定之命則官吏咸相謂曰且未要行不久必須更改或曰備禮行下略與應破指揮旦夕之間果然又變至於將吏更易道路疲於迎送文牒縱橫上下莫得遵稟官吏軍民或聞而歎息或聞而竊笑號令如此欲感天下其可得乎此不謹號令之弊也古今用人之法不過賞罰而已然賞如及無功則恩不足勸罰如及有罪則威無所懼雖有人不可用矣臣嘗聞太祖時王全斌等破蜀而歸功不細矣犯法一貶十年不問蓋是時方伐江南故黜全斌與諸將立法及江南已下乃復其官太祖神武英雄斷所以能平天下者賞罰分明皆如此也自關西用兵四五年矣賞罰之降是非莫分大將以無功而依舊居官軍中見無功者不妨居好官則諸

永樂大典

卷一二三九九

將誰肯立功矣。偏裨畏懦。遠留法皆當斬。或暫貶而尋遷。或不貶而依舊。軍中見有罪者。不誅則諸將誰肯用命矣。所謂賞不足勸。罰無所懼。賞罰如此。而欲用人。其可得乎。此不明賞罰之弊也。自兵動已來。處置之事。不必然多有名無實。請略舉其一。則其他可知。數年以來。點兵不絕。諸路之民。半為兵矣。其間老弱病患。短小怯懦者。不可勝數。兵額空多。所用者。若此。有無名之虛名。而無得兵之實效也。新集之兵。所在教習。追呼上下。民不安居。主教者非將領之才。所教者無旗鼓之法。往來州縣。恣歎教。既多是老弱小懦之人。又無訓練精練之術。此有教兵之虛名。而無訓兵之實効也。諸州所造器械。數不少矣。工作之廢。已勞民力。運輦般送。又苦道路。然而鐵刃不鋼。筋膠不固。長短小大。多不中度。蓋造作之所。但務充數而達了。不計所用之不堪。經歷官司。又無檢責。此有器械之虛名。而無器械之實用也。以草草之法。教老怯之兵。執鈍折不堪之器械。百戰百敗。理在不疑。臨事而候。何可及乎。故事無小大。悉皆鹵莽。此不責功實之弊三也。萬事不可盡言。臣請直言其大者五事。其一曰兵。臣聞攻人以謀。不以力。用兵則智。不則多。前代用兵之人。多者常敗。少者常勝。漢王尋等。以百萬之師。遇光武六千人而敗。是多者敗。而少者勝也。符堅以百萬之衆。

永樂大典卷之三九九

九

遇東晉二三萬人而敗。是多者敗。而少者勝也。曹操三十萬。青州兵敗於呂布。退而歸許復以二萬人破袁紹十四五萬。是用兵多則敗。而少則勝之明驗也。况於夷狄尤難。以力爭。只可以計取。李靖破突厥於定襄。只用兵三千人。其後破頡利於陰山。亦不過萬人。其它以五千人立功塞外者。不可悉數。蓋兵不在多。能用計爾。故善用兵者。以少而為多。不善用兵者。雖多愈少。臣謂方今添兵則耗國。減兵則破虜。今沿邊之兵。不下七八十萬。可謂多矣。然訓練不精。又有老弱虛數。十人不當一人。是七八十萬之兵。不得七八萬人之用。加之軍中統制支離。分多為寡。兵法所忌。此所謂不善用兵者。雖多而愈少。故常戰而常敗。臣願陛下赫然奮威。飭勵諸將。精加訓練。去其老弱。七八十萬中。可得四五十萬。古人用兵。一以當百。今既未能。但得以一當十。則五十萬數。可當五百萬兵之用。此所謂善用兵者。以少而為多。古人所以少而常勝者。以此也。今不思實効。但務添多。耗國耗民。遷延日月。賊雖不至。天下已困矣。此一事也。其二曰將。臣又聞古語曰。將相無種。故或出于卒伍。或出于奴僕。或出於盜賊。唯能不次而用之。乃為名將耳。今國家求將之意。雖切。選將之路太狹。今詔近臣舉將。而限以資品。則英豪之士。在下位者。不可得矣。試將材者。限以弓馬。一夫之勇。

則智略萬人之敵。皆遺之矣。山林奇傑之士。召而至者。以其貧賤而薄之。不過與一主簿。借職使之。怏怏而去。則古之屠釣飯牛之傑。皆激怒而失之矣。以至無人可用。則寧用癡鍾。跛躄庸懦。暗劣之人。皆委之要地。授以兵柄。天下三尺童子。皆罵朝廷危之。前日澶州之卒。幾為國生事。澶州生事。蓋郭水祐在澶時。此可見也。議者不知取將之無術。但云當今之無將。臣願陛下革去舊弊。奮然精求英豪之士。不須限以下位。知略之人。不必試以弓馬。山林之傑。不必薄其貧賤。唯陛下以非常之禮待人。人臣亦將以非常之効報國。又何患於無將哉。此二事也。三曰財用。臣又聞善治病者。必醫其受病之處。善救弊者。必塞其起弊之原。今天下財用困乏。其弊安在。起於兵興而費大也。昔漢武帝好窮兵。用盡累世之財。當時糧兵單于臺。不過十八萬。尚能因其國力。况今日七八十萬。連四年而不解。所以罄天地之所生。竭萬民之膏血。而用不足也。今雖有智者。物不能增。而計無所出矣。唯有減冗卒之虛費。練精兵而速戰。功成兵罷。自然足矣。今兵有可減之理。而無人敢當其事。賊有速擊之便。而無人敢奮其勇。彼時敗事。徒耗國而耗民。唯陛下以威權督責之。乃有期耳。此三事也。其四曰禦戎之策。臣又聞兵法曰。上兵伐謀。其次伐交。北虜通好。僅四十年。不敢妄

永樂大典卷萬三千三百九

辛

動。今一旦發其狂謀者。其意何在。蓋見中國頻為元昊所敗。故各啟其貪心。伺隙而動爾。今督勵諸將。選兵秣馬。疾入西界。但能痛攻。是賊一俾。則吾軍威大振。而虜計沮矣。此所謂上兵伐謀者也。今論事者。皆知西北欲併二國之力。窺我河北。陝西。若使二虜並寇。則難以力支。今若我先擊敗一虜。則虜勢減半。不能獨舉。此兵法所謂伐交者也。元昊地狹。賊兵不多。向來攻我。傳聞北虜常有助兵。今若虜中自有聚集之謀。而元昊驟然被擊。必求助於北虜。北虜分兵助昊。則可牽其南寇之力。若不助昊。則二國有隙。自相疑貳。此亦伐交之策也。假令二國刻期分路來寇。我能先期大舉。則元昊倉皇自救。不暇。豈能與北虜相高表裏。是破其素定之約。乖其刻日之期。此兵法所謂親而離之者。亦伐交之策也。是賊叛逆以來。幸而屢勝。長有輕視諸將之心。今又見朝廷北憂戎虜。方經營於河朔。必謂我師不能西出。今乘其驕怠。正是疾驅急擊之時。此兵法所謂出其不意者。取勝之上策也。前年西將有請出攻者。當時賊氣方盛。我兵未練。朝廷尚許其出師。况今元昊有可攻之勢。此不可失之時。彼方幸吾憂河北。而不虞我能西出。出其不意。此可攻之勢也。自四路分帥。今已半年。訓練恩信。兵已可用。故近日屢奏小捷。是我師漸振。賊氣漸沮。此可攻之勢也。苟失

此時而使二虜先來。則吾無策矣。臣願陛下不以臣言為狂。審詔四路之帥。協議而行之。此四事也。其五曰可任之臣。臣又聞語曰。十室之邑。必有忠信。况今文武常選之官。盈於朝廷。徧於天下。其間非無材智之人。陛下摠治萬機之大。既不暇盡識。其人固不能躬自進賢而退不肖。執政大臣動循舊例。又不敢進賢而退不肖。審官吏部三班之職。但掌文簿。差除而已。又不敢越次進賢而退不肖。是上自天子。下至有司。無一人得進賢而退不肖。所以賢愚混雜。僥倖相容。三載一遷。更無精別。平居無事。常患太多。而差除不行。但臨事要人。常曰無人使用。自古任人之法。無如今日之深也。今議者或謂以舉主轉官為進賢。犯罪即黜為退不肖。此不知其弊之深也。大凡善惡之人。各以類聚。故好職濫者。各舉貪濁之人。好財利者。各舉誅求之人。性庸懦者。各舉不才之人。守廉節者。乃舉公幹之人。朝廷不問是非。但見舉主數足。便與遷官。則公幹者進矣。貪濁者亦進矣。誅求者亦進矣。不才者亦進矣。混淆如此。便可為進賢之法矣。方今黜責官吏。豈有澄清糾按之法哉。唯犯職之人。因民論訴者。乃能黜之耳。夫能弄弄文法。而求財賄者。亦強黜之吏。政事必由已出。政雖誅。則豪民尚或不及貧弱。至於不才之人。不能主事。東晉群吏共為姦欺。則民無貧富。一時受

永樂大典卷之三十九

主

弊。以此而言。則職吏與不才之人。為害等耳。今職吏因事自敗者。十不去一。至於不才之人。上下共知而不問。寬縱容姦。其弊如此。便可為退不肖之法矣。賢不肖既無別。則宜乎設官雖多。而無人可用也。臣願陛下明賞罰。責功實。則才不才。皆列於前矣。臣故曰五者皆有。然陛下不得而用者。為有弊也。三弊五事。臣既已詳言之矣。唯陛下擇之。天下之務。不過此也。方今天文變於上。地理逆於下。人心恣於內。四夷攻於外。事勢如此。殆非遲疑寬緩之時。唯陛下留意。乙卯。詔諸路轉運使副。為按察之官。其路分兵馬鈐轄並位。其下提點刑獄。朝臣。許慶州鈐轄。而與路分鈐轄。以官叙之。又詔自今。應臣僚入見。及辭謝。如值假。或不御前殿。即依舊制。並放外。若事急。速許令後殿見。謝辭。及放正衙。並繫臨時特降朝旨。即不得輒自上章陳乞。時權御史中丞賈昌朝。言護國軍節度使。兼侍中張者。赴河陽。武勝軍節度使。高化赴相州。乞免衙辭。河陽節度使。楊崇勳。復平章事。乞免衙辭。兼聞上件官等。並乞只於後殿見辭者。接近制。臣僚見謝辭。並合在前殿。仍詣正衙。除假放外。若事急。速許於後殿。或見過正衙。並繫臨時特旨。若位為節制。大去朝闕。辭見不由前殿。出入不詣正衙。或扶以拜君。或揖而受賜。既稱衰疾。且冒寵榮。雖聖上眷待老臣。特推異數。

猶宜避見以示恪恭。豈可輒上奏封。自求優便。今國家外捍邊寇。方任武臣。所宜並示恩威。不可專用姑息。仍恐文武臣僚自此更輕慢朝廷之儀。乃下是詔。仍榜朝堂。此據會要。丙辰上謂宰相曰。朝廷間遣中人出謁外事。而近者臣僚反多奏辟。甚無謂也。宜令御史臺劾奏之。又詔翰林醫官有勞者。止遷本院官。毋得換右職。及別兼差遣。丁巳詔。比上書獻方略者。率多市文於人。或削取前後臣僚章奏。以冀恩賞。已詔無得更陳。邊事如聞。尚有詰闕者。其令禁絕之。戊午。建大名府為北京。德音降河北諸州軍。繫囚一等杖以下釋之。嚴飾行宮。增置倉教營舍。並給官錢。毋得科率。景祐中。范仲淹知開封。建議城洛陽。以備急難。及契丹將渝盟。言事者請從仲淹之請。呂夷簡謂虜畏壯悔情。遷城洛陽。宜以示威。必長虜勢。景德之役。非乘輿濟河。則虜未易服也。宜建都大名。示將親往。以伐其謀。詔既下。仲淹又言。此可張虛聲爾。未足恃也。城洛陽既弗及。請速修京城。議者多附仲淹議。夷簡曰。此棄瓦城郭計也。使虜得渡河。而固守京師。天下殆矣。故設備宜在河北。卒建北京。識者疑之。仲淹疏曰。河朔地平易。去邊千里。胡馬豪健。晝夜兼馳。不數十日。可及澶州。陛下乘輿一動。千乘萬騎。非數日可辦。唇舌之間。胡馬已近。欲遠北京。其可及乎。此未可一也。

宋史大業卷之三十九

五

又承平已久。人不知戰。聞寇大至。群情憂恐。陛下又引憂恐之師。進涉危地。或有驚潰。在爪牙之臣。誰能制之。此未可二也。又北京四面盡平。絕無險扼之地。僕衆與安然到彼。而胡馬旁過。直趨河南。於澶淵四向乘凍而渡。京師無備。將何以支。宗廟社稷。宮禁府庫。皇宗戚里之屬。千官百辟之家。六軍萬民。血屬盡在。無金城湯池可保。無堅甲利兵可禦。陛下行在河朔。心存京師。豈無回顧之大憂乎。此未可三也。假使大河未凍。寇不得渡。而直圍守澶淵。聲言向關。以割地會盟為請。當此之時。京師無備。胡虜俯逼。陛下能謹守不動。而拒其請乎。唐明皇時。祿山為亂。舊將哥舒翰四十萬兵。屯守潼關。請不出戰。且以困賊。楊國忠促令討賊。一戰大敗。遂陷長安。今京師無備。寇或南牧。朝廷必促河朔諸將出兵截戰。萬一不勝。則有天寶之患。朝廷將安往乎。昔煬帝盤游淮甸。遠達關中。唐祖據之。隋室遂傾。明皇出幸西蜀。非肅宗立于朔方。天下豈復為唐有。德宗欲幸益部。李晟累表乞幸山南。以係人心。乃知朝廷萬邦之根本。今陝西河北聚天下之重兵。如京師搖動。遠達重兵。則毒雄奮飛。禍亂四起。臣聞天有九閩。帝居九重。是以王者法天設險。以安萬國也。易曰。天險不可升。地險山川丘陵。王公設險以守其國。正在今日矣。臣請陛下速修東京高城深池。軍民

永樂大典

卷二二二九九

百萬足以爲九重之備。樂與不，則聖人坐鎮四海。而無順動之勞。樂與
或出，則大臣居守九重。而無回顧之憂矣。彼或謀曰：邊城堅牢，不可卒攻。
京師坦平，而可深犯。我若修營京師，使不可犯，則伐彼之謀。沮南牧之志
矣。寇入之淺，則邊壘已堅。寇入之深，則都城已固。彼請割地，我可弗許也。
彼請決戰，我可勿出也。進不能爲志，退不能忘歸。然後因而撓之。逆則追
之，縱有抄掠，可逮可奪。彼衰我振，未必不大勝也。此陛下保社稷，安四海
之全策矣。或曰：京城王者之居，高城深池，恐失其體。臣聞後唐末，契丹以
四十萬衆，送石祖入朝。而京城無備，聞宗遂亡。石晉時，叛臣張彥澤引契
丹犯關，而京城無備，少主乃陷。此無備而亡，何言其失體哉。臣但憂國家
之患，而不暇顧其體也。若以修營城隍爲失體，不猶愈於播遷之禍哉。朝
廷大臣百辟，必曉此事，但懼議者謂其失體，而不敢言。臣任在西陲，非當
清問，而輒言此事，誠罪人也。然臣子之言，豈敢忘君親之憂。况臣素來愚
拙，惟知報國，而不知其受誘者。昔奉春君負販之夫，勸高祖都關中。而張
良贊之翌日，命駕。臣叨預近列，而輒建言。比之奉春之備，未甚爲過。至於
西洛帝王之宅，太祖營修，蓋有意在子孫。表裏山河，接應東京之事勢。連
屬關陝之形勝。又河陽據大川之險，當河東之會要。爲西洛之北門。又長

永樂大典卷萬字音九九

三

安自古興王之都，天下勝地。皆願朝廷留意。常委才謀重臣，預爲大備。夫
下幸甚，契丹既就盟，仲淹復上疏曰：後城與前城，多同當考。戎情難覆，自
古非一。以四十年思信當考，恐非有限之貨，能足無厭之心。此可大爲之
防。盟誓不足倚也。臣切觀朝廷，未修東京，而先修北都。臣謂東京根本也。
北都枝葉也。雖先朝曾有北都之行，當時有宿將舊兵，嘗經大敵。然猶上
下憂疑，盤桓而進。今太平已久，人情易動。又無宿將舊兵，不可不慮也。
臣見邊上將佐軍旅，取言不武，爭先効命。及其臨敵，十無一鬼。臣恐駕前
諸班武士，矜誇膽勇，有誤陛下。昔漢樊噲對上曰：臣願得十萬衆，橫行匈
奴中。季布叱曰：噲可斬也。昔匈奴圍高帝於平城，漢兵三十二萬，噲時爲
上將軍，不能解圍。今言以十萬人，是面護也。今陛下自觀左右將軍，有如
樊噲者乎。臣昨上言請修京城，宜持重而不動者，蓋爲此也。若將巡幸北
都，臣謂有可慮之事者五。願陛下思之。臣三四年來，聞人所傳契丹造舟
安輪，通陸可載，通川可濟。如南牧而來，於滄德之間。先渡黃河，取鄆濮，而
襲我京城。陛下虛往北京，而寇入東路。此可慮之一也。又宗廟社稷，皇宗
戚里，千官百辟，六軍萬民之衆，盡在京師。而城池無備，寇賊大至，將何保
守。此可慮之二也。若巡幸北京，六軍盡出，回顧京師，億萬之中，或茲克竊

發為亂。陛下之心。能安於外乎。此可慮之三也。假使鑾輿未出。冠逼瀘淵。聲言向闕。有割地之請。既京師無備。朝廷能拒其請乎。此可慮之四也。又胡馬之來。必數十萬。其河朔之兵。當須持重。如京師無備。畏彼深入。必促重兵與之決戰。萬一有哥舒之敗。則社稷為憂。此可慮之五也。願陛下必修京城。可禦大患。况天子之城。古有九重之號。未聞以不嚴不固。而為國體也。能嚴且固。則上自宗廟社稷。下及百萬之衆。可安堵矣。陛下乘鑾不煩。順動矣。雖寇入東路。不得而襲矣。彼如瀘淵有割地之請。可拒而可弗許矣。彼求決戰。可戒諸將持重。而勿出矣。彼知京師有備。大軍持重。則南牧之志。不得而縱。足以代其謀矣。而復銳則避之。因則擾之。夜則驚之。去則躡之。因其隙而圖焉。皆須京師大固。然後能行其策。近代戎狄為京都之禍者。數四矣。不可不夫為之防。易曰。王公設險以守其國。此先聖之訓。非臣之所能言也。仲淹知有非京之役。方請修京城。非先請也。龍川別志。誤以仲淹為先請。檢仲淹集所載別子。則別志誤可知矣。簡本傳稱。仲淹以城洛陽為子囊城。即之計。亦誤也。蓋仲淹請修京城。故云。亦若洛陽則非耶。類今略加刪潤。使不相抵牾。本傳又誤以囊瓦為子囊。今亦改正。識者疑之。別志本傳。然仲淹深慮遠。其言要不可忽。今具列于後。是

宋史卷之三十九

岳

日崇慶公主薨。遣封楚國公孫。已表。以知天雄軍程琳。知大名府兼北京留守司。悉此時琳即兼河北安撫使。但實錄不詳。五年五月。加大資政琳傳始云。兼河北安撫使。而實錄亦殊不載。六年二月。日夏琳判大名制。乃言河北安撫使官考。庚申。置京東兩路安撫使。以知青州陳執中。兼青淄濰等州安撫使。知鄆州張觀。兼鄆齊濮等州安撫使。並兼提舉兵馬。巡檢盜賊事。特習升。雖通使。而所徵兵。始大集於幽州。故河北京東。益為守備也。環慶都監左藏庫副使王遇。為供備庫使。都巡檢使右驍驍副使范全。為官苑副使。柔遠寨為內殿承制。譚嘉震。為供備庫副使。權慶州都監。西頭供奉官張繼勳。為東頭供奉官。閤門祇候。賞大順城却敵之功也。慶之西北。馬鋪寨。當後橋川口。深在賊腹中。范仲淹欲城之。慮賊必乘密遣子純祐。與蕃將趙明先據其地。引兵隨其後。諸將初不知所向。行至柔遠。始號令之。版築畢。具旬日城成。是歲三月也。尋賜名大順。賊覺。以騎三萬來戰。伴北。仲淹戒勿追。已而果有伏。大順既城。白豹金湯。皆截。然不敢動。環慶自是冠蓋。皆按范仲淹奏議。仲淹欲城大順。以三月十三日。任柔遠寨。駐劄。將密行占得寨地。入仲淹集。有三月二十七日。自大順回。見桃花詩。四月三日。奏乞以寨為城。名曰大順。今因行實。乃著其事。大

順城西谷寨有強人弓手。天禧間募置番戍為巡檢斥候。日給糧人賦田八十畝。能自備馬者益賦四十畝。過防秋官給器甲。下番隨軍訓練。反是為指揮。此據本志所見。癸亥新鄆州觀察使范仲淹復為龍圖閣直學士。左司郎中。鄆州觀察使龐籍復為龍圖閣直學士。吏部郎中並從所請也。初仲淹上表言觀察使班待制。下臣守邊數年。羌胡頗親愛。臣為龍圖老子。今改觀察使。則與諸族首領名號相亂。恐為賊所輕。且無功。不應更增厚祿。辭其切至。表三上。乃從之。仲淹正傳云。退而與王興未親。為伍按范仲淹集所載表乃云。居方學劉興下。蓋此一人。並為留後故也。王興未親。卒不為觀察使。傳蓋誤改。今仁從集表所載。以西界偽侍中。理移香為順德軍節度使。封順德郡王。賜姓名白守忠。散虜為會州防禦使。保德。遇虜為叙州防禦使。仍並賜對衣金帶。理移香管宥州兵馬。龐籍使歸娘族軍主阿訛入西界伺事。理移香言元昊以所掠緣邊人馬送契丹。請助兵入漢界。宜預為之備。請遣人賁偽補文字求封。既而散虜等亦求內附。命雖下。然其後俱不至。散虜奸德。過虜二人不知何官。甲子召江南東路轉運使。太常博士。直集賢院楊察。人為左正言。知制誥察在部。專以舉官為急務。人或譏之。察曰。此按察職也。苟持拾遺餘則俗吏能之。何必我哉。又詔乾寧軍獨流寨。鈞臺寨。滄州官鹽竈。許水濁。並置烽墩。乙丑罷左藏庫月進錢千二百緡。上語輔臣曰。此周官所謂供王之好。用者朕宮中無所費。其斥以助縣官。詔開封府界盜賊未捕獲者六百九十餘人。其非傷殺變去及元謀之令。聽百日歸業。除其罪。置信安軍兵馬都監。監押各一員。丙寅。御崇政殿。閱諸軍轉負凡三月。真定府。定州。路都部署保靜節度使王德用入朝奏事。命為宣徽南院使。判成德軍。未行。改判定州。兼三路都部署。徙判定州。楊崇勳判成德軍。崇勳老不任事。改徙之。德用至定州。日教士卒習戰。項之皆可用。契丹使人來覲。或請捕殺之。德用曰。彼得其實以告。是服人之兵。以不戰也。明日大閱于郊。提桴鼓誓師。進退坐作。終日不戮一人。乃下令具糗糧。聽吾鼓聲。視吾旗所向。現者歸告虜中。謂漢兵將大入。既而復議和。兵乃解。特朝廷發兵七定州。幾六萬人。皆寓居逆旅。及民間聞塞城市。未嘗有一人敢喧呼暴橫者。將校相戒曰。吾輩各務飲士卒。勿令擾我菩薩。一旦倉中給軍糧。軍士以所給米黑。諠譁紛擾。監官懼逃匿。有四卒以米見德用。德用曰。汝從我當入倉視之。乃往召專副問曰。昨日我不令汝給二分黑米。八分白米。半曰。然則汝何不先給白米。後給黑米。此輩見所得米腐黑。以為所給盡如

是故誼諱耳。專知對曰。然某之罪也。德用叱從者扶專。副人二十。又呼四卒謂曰。黑米亦公家物。不給與汝曹。當弃之乎。汝何敢乃爾。諱諱。四卒相顧曰。向者不知有八分白米故耳。某等死罪。德用又叱從者六人扶之二十。召指揮使。罵曰。衙官汝何敢如此。欲求決配乎。指揮使百拜流汗。乃舍之。倉中蕭然。僚伍皆服其能處事。此據司馬光記聞。西上閭門使。果州團練使。高陽關路鈐轄張元。權知瀛州。兼本路部署司事。夏守贊疾故也。元去高陽。每遣謀者。輒厚與金帛。無所吝。元聞處使坐。有弟子行首入曰。願屏人白事。元慢罵久之。其人曰。所白機事也。不肯去。元為屏人。乃曰。聞使使錢如糞土。曰何故。曰。聞使所與非其人。如我乃可與耳。元復罵之。曰。我非與閭使。劇我外生女子。自小教歌舞。甚妙麗。為虜騎掠去。今幸於虜主。日夜居帳中。將相皆事之。今遣人有所市。閭使善結之。虜中情偽。如指掌也。元曰。所市何物。曰。某大王納女。婿須紫竹鞭。閭使所執可與也。及餘所市物。非元皆從之。自是虜中動靜必告。時邊城多警。每一掛搭。費甚厚。惟高陽獨否。弟子行首事。據龍川別志。滄州鈐轄。沁界河。同都巡檢使。及管勾河北屯田事。洛苑使。普州刺史。入內押班。楊懷敏。為真定府定州路鈐轄。兼保州廣信安肅軍。緣邊都巡檢使。依舊界河。同都巡檢使。

水樂大典卷三萬三千九十九

及管勾屯田司事。知順安軍劉宗言。上書言屯田司瀆塘水深。招賢鄉六千戶。事下轉運司。及屯田司。懷敏挾勢。卒窘宗言。扶勢窘宗言。據河渠志。在此年今附見。志載此事不詳。當考。邊臣畏懷敏。多巧事之。高陽關鈐轄王果。獨不屈。數言水浸民田。無益邊備。懷敏怒。訴果以不法。左遷青州都監。王果事據本傳附見。果二月初除高陽鈐轄。不知何時責青州。十一月乃自青州改永興。又吳奎傳云。奎為廣信軍判官。官者揚懷敏增廣北邊屯田。至奪民殺地。無敢與抗者。奎上書論其不便。知保州王果亦屢爭之。懷敏使人訟果官事。詔置獄推鞠。奎為力辯。得免。按果以慶曆二年二月。自保州擢領賀州刺史。兼高陽關鈐轄。與懷敏爭也。田事坐責。當在高陽關。不在保州矣。今止從果傳。詔河北居民。遇有邊警。其畜積許輩。至城邑中。欲居官舍寺院者。亦聽之。丁卯。徙知成德軍。龍圖閣直學士。兵部郎中張存。為河北轉運使。先是存上言。契丹與元昊為寇。恐陰相首尾。河北城久不治。宜留意無忽。於是悉城河北諸州。俾存督察之。詔管軍臣僚。非乾元節。及大禮。不得非次陳乞親屬恩澤。戊辰。詔有司申明前後條約。禁以銷金。貼金。鏤金。間金。感金。團金。剔金。陷金。明金。泥金。撈金。背金。開金。盤金。織金。線金。撫金。為服飾。自宮庭始。民庶犯者。必致之法。庚午。

永樂大典

卷一二四〇〇

環慶招討司。言西界偽國練使剛羅來降。乞補班行。詔除右班殿

真。此據朔曆九月癸卯馬都來降。實錄有之。朔曆乃無。疑即此事。

永樂大典卷之一萬二千三百九十九

永樂大典卷之一萬二千三百九十九

二十七